

吾族既合置試館於省會復於
縣城營立總祠祠成乃謀合譜
以脩輯之事屬馬橋支半裴族
叔而責榮與叔之從弟雲鶴以
綜理庶務叔彙集各房支譜參
以史志證其異同博採旁摭以

成此牒未及卒事而叔沒鶴枝
讀禮旋籍與雲鶴叔及高湖支
鶴翎諸人續為編次之其體例
倣邑乘齒錄則兼法歐蘇而各
支自遷潭祖以下則暫從其
畧非缺也是譜之作與支譜異

支譜詳其目總譜切系其綱綱舉
者目自張無庸贅也繼起者倘
能窮源竟委綜核精詳以益臻
於完善是則深所望於賢肖者
矣譜凡拾肆卷計五十四支襄
是役者繕書則有慎菴緝生鳳

枝樾濱茂生文炳校閱則有鶴
樓錫予祥達怡堂督刊則有福
生稽察則有九和沛生少卿而
蒐討故實數典不忘者則雲鶴
之力居多憶自甲戌之秋吾宗
始謀合族維時鶴枝襄甫敦予

少陵澍臣澤生堯愷及榮之從
弟峙夫首倡其議而族叔半農
房叔絜伯實董其成次第經營
寒暑十易需款甚鉅二老復先
後云徂險阻艱難備嘗之矣幸
族眾始終一心共相踴躍榮不

敏得竊隨諸伯叔昆弟後聿觀
厥成雖萬殊一本勢分者理終
必合抑亦祖宗之靈之有以
默為鑒焉者夫

光緒九年癸未歲冬十一月三
十一派嗣孫樹榮謹識